

## **Prof. dr. Dina Kapić**

Dina Kapić je vanredni profesor na Katedri za histologiju i embriologiju. Zvanje magistra medicinskih nauka stekla je na Medicinskom fakultetu Univerziteta u Sarajevu 2011. godine na temu "Efekat egzogenog melatonina na gentamicinom induciranu nefrotoksičnost kod štakora". Doktorsku disertaciju pod naslovom „Protektivni potencijal melatonina u uvjetima streptozotocinom inducirane dijabetičke nefropatije kod štakora“ odbranila je 2016. godine.

U periodu septembar-decembar 2010. boravila je na Medicinskom fakultetu Univerziteta u Ženevi u cilju usavršavanja iz savremenih histoloških metoda.

U toku akademske 2018/19. godine bila je na postdoktorskom istraživačkom boravku na Univerzitetu u Cirihi, zahvaljujući stipendiji Vlade Švicarske konfederacije (Swiss Science Excellence Scholarships).

Završila je FELASA certificirane edukacije za izvođenje eksperimenata, kao i za osmišljavanje i vođenje eksperimenata na animalnim modelima (funkcije A, B, C i D).

Autor je ili koautor brojnih radova publiciranih u domaćim i međunarodnim časopisima te koautor nekoliko univerzitetskih udžbenika. Naučno polje interesovanja uključuje antibioticima-induciranu nefrotoksičnost, dijabetes melitus, protektivni potencijal egzogenog melatonina, morfometriju i stereologiju te animalne modele u istraživanjima.

Od izbora u nastavno zvanje asistent učestvovala je u izvođenju praktične i teoretske nastave za studente svih fakulteta medicinske grupacije.

Aktivno govori engleski, njemački i francuski jezik na naprednom nivou, kao i španski i talijanski jezik na srednjem nivou.